



**ს ა ქ ა რ თ ვ ე ლ ო**  
**ხარაგაულის მუნიციპალიტეტის საკრებულო**  
**გ ა ნ კ ა რ გ უ ლ ე ბ ა**



განკარგულება:გ-69. 69250974  
 თარიღი:07/04/2025

**„ხარაგაულის მუნიციპალიტეტის საკუთრებაში არსებული ქონების საპრივატიზაციო ობიექტთა ნუსხის დამტკიცების შესახებ“ ხარაგაულის მუნიციპალიტეტის საკრებულოს 2020 წლის 09 მარტის N50/11 განკარგულებაში ცვლილების შეტანის თაობაზე**

საქართველოს კანონის „საქართველოს ზოგადი ადმინისტრაციული კოდექსის“ 63- მუხლის საფუძველზე

**ხარაგაულის მუნიციპალიტეტის საკრებულომ გადაწყვიტა:**

**მუხლი 1.** შეტანილ იქნეს ცვლილება „ხარაგაულის მუნიციპალიტეტის საკუთრებაში არსებული ქონების საპრივატიზაციო ობიექტთა ნუსხის დამტკიცების შესახებ“ ხარაგაულის მუნიციპალიტეტის საკრებულოს 2020 წლის 09 მარტის N50/11 განკარგულებაში

1. განკარგულებით დამტკიცებულ საპრივატიზებო ობიექტთა ნუსხიდან ამოღებული იქნეს შემდეგი ობიექტები:

ა) დიდვაკის ყოფილი ამბულატორის ფართი, რომელიც რეგისტრირებული არის 36.15.33.168 საკადასტრო კოდით, ფართი განადგურდა ხანძრის შედეგად.

ბ) ავტომანქანა CHERVOLET NVA სახ.N SMT 454, რომელიც არის პრივატიზებული.

გ) დენის წყლის გამათბობელი ერთი ცალი.

დ) ავტობუსი BOGDAN მოდელი A სახ.N WW 435PP. ავტობუსი საკუთრებაში აქვს გადაცემული მუნიციპალიტეტის მიერ დაფუძნებულ ა(ა)იპ „დასუფთავებისა და კეთილმოწყობის გაერთიანებას“.

ე) სოფელ ბორითში მდებარე შენობა-ნაგებობის პირველ სართულზე 36.03.41.024.01.500 საკადასტრო კოდით რეგისტრირებული ფართი, განხორციელებული პრივატიზების გამო.

ვ) სოფელ მოლითში 36.17.34.450 საკადასტრო კოდით რეგისტრირებული 150 კვ.მ არასასოფლო-სამეურნეო დანიშნულების მიწის ნაკვეთი, განხორციელებული პრივატიზების გამო.

ზ) დაბა ხარაგაულში 36.01.31.1986 საკადასტრო კოდით რეგისტრირებული 80 კვ.მ არასასოფლო-სამეურნეო დანიშნულების მიწის ნაკვეთი, განხორციელებული

პრივატიზების გამო.

თ) დაბა ხარაგაულში 36.01.31.467 საკადასტრო კოდით რეგისტრირებული 92 კვ.მ არასასოფლო-სამეურნეო დანიშნულების მიწის ნაკვეთი, განხორციელებული პრივატიზების გამო.

2. საპრივატიზაციო ობიექტთა ნუსხას დაემატოს:

ა) დაბა ხარაგაულში, სოლომონ მეფის ქუჩა N8ბ-ს მიმდებარედ 36.01.31.1999 საკადასტრო კოდზე რეგისტრირებული არასასოფლო-სამეურნეო დანიშნულების 14 კვ.მ მიწის ნაკვეთი.

ბ) სოფელ ბჟინევში მდებარე 36.08.36.887 საკადასტრო კოდით რეგისტრირებული 50 კვ.მ არასასოფლო-სამეურნეო დანიშნულების მიწის ნაკვეთი.

**მუხლი 2** დამტკიცდეს საპრივატიზაციო ობიექტთა ნუსხა თანდართული დანართის მიხედვით.

**მუხლი 3.** განკარგულება ძალაში შევიდეს ხელმოწერისთანავე.

**მუხლი 4.** განკარგულება შეიძლება გასაჩივრდეს გაცნობიდან ერთი თვის ვადაში ზესტაფონის რაიონულ სასამართლოში (ქ. ზესტაფონი, წერეთლის ქუჩა #7).

მანანა ბარბაქაძე

ხარაგაულის მუნიციპალიტეტის საკრებულო-  
საკრებულოს თავმჯდომარე

გამოყენებულია კვალიფიციური  
ელექტრონული ხელმოწერა/  
ელექტრონული შტამპი

